

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 177. sjednici, održanoj dana 05.02.2019. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu po prijedlogu Općinskog načelnika Općine Vareš i Kluba vijećnika DF Vareš pod rednim brojem 1., 2., 3. i 4. od 05.12.2018. godine za Program rada Skupštine Zeničko-dobojskog kantona za 2019. godinu i čini sastavni dio ovog Zaključka.

II.

Zaključak stupa na snagu danom donošenja.

Broj: 02-_____/19.

Datum, 05.02.2019. godine

Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.



Broj: 05-1-34-15965-3/18
Zenica, 25.01.2019. godine

Stručna služba Vlade Zeničko-dobojskog kantona je aktom broj: 02-1-34-15965-17/18 od 14.12.2018. godine, zatražila od Ministarstva za poljoprivredu, šumarstvo i vodoprivredu da iz svoje nadležnosti pripremi akt za sjednicu Vlade o prijedlozima Općinskog načelnika, Općinskog vijeća i Kluba vijećnika DF u Općinskom vijeću općine Vareš za Program rada Skupštine Zeničko-dobojskog kantona za 2019. godinu, o čemu Ministarstvo za poljoprivredu, šumarstvo i vodoprivredu daje slijedeće:

MIŠLJENJE

U vezi sa prijedlogom Općinskog načelnika Općine Vareš broj: 02-1507/18 od 29.11.2018. godine u vezi prijedloga za izmjenu Zakona o šumama („Službene novine Zeničko-dobojskog kantona“, broj: 8/13 i 1/15), stav Ministarstva i korisnika državnih šuma-Javnog preduzeća „Šumsko-privrednog društva Zeničko-dobojskog kantona“ d.o.o. Zavidovići je slijedeći:

Odredbama člana 38. (Naknada za korištenje državnih šuma) Zakona o šumama („Službene novine Zeničko-dobojskog kantona“, broj: 8/13 i 1/15), propisano je: *„Korisnik državnih šuma dužan je plaćati naknadu u visini 7% od ostvarenog prihoda od drveta, računajući cijenu drveta na panju i prihoda ostvarenog od nedrvnih šumskih proizvoda, u skladu sa odredbama člana 51. stav 1. i stav 2. ovog Zakona“.*

U stavu (1) člana 51. (Uplata naknade za korištenje državnih šuma i šumskog zemljišta) Zakona o šumama („Službene novine Zeničko-dobojskog kantona“, broj: 8/13 i 1/15), propisano je: *„Naknada za korištenje državnih šuma i šumskog zemljišta iz člana 38. ovog Zakona obračunava se od prihoda od drveta, računajući cijenu drveta na panju i prihoda ostvarenog od nedrvnih šumskih proizvoda i uplaćuje se:*

a) 2% na račun Budžeta

b) 5% na namjenski račun općine na čijoj teritoriji se ostvaruje prihod“.

Korisnik državnih šuma-Javno preduzeće „Šumsko-privredno društvo Zeničko-dobojskog kantona“ d.o.o. Zavidovići na navedeni prijedlog Općinskog načelnika Općine Vareš dao je mišljenje, kojeg citiramo: *„Navedena sredstva predstavljaju značajnu stavku rashoda za naše preduzeće, a u 2017. godini po osnovu pripadajućim općinama i budžetu kantona se obračunao iznos od 1.390.866,55 KM, a od toga za opštinu Vareš je obračunat iznos od 386.827,52 KM, a obračunati iznos za 2018. godinu je približno jednak obračunatom iznosu općini Vareš za 2017. godinu, a ujedno Vas obavještavamo da se naše obaveze prema općinama redovno izmiruju.“ Dalje iz mišljenja korisnika državnih šuma izdvajamo, citiramo: „Primjera radi na područjima susjednih kantona po osnovui njihovih Zakona o šumamama taj iznos je približno jednak ili je manji od iznosa koji se kod nas uplaćuje i iznosi za: Srednjobosanski kanton član 38. Zakona o šumama izdvajanja su u iznosu od 5%, Tuzlanski kanton član 35. Zakona o šumama izdvajanje 7% jednako našim, Sarajevski kanton član 49. Zakona o šumama izdvajanje 6%“.*

Iz naprijed navedenog se vidi da su izdvajanja za korištenje šuma i šumskog zemljišta Zeničko-dobojskog kantona ista ili veća nego kod navedenih kantona, a što je i mišljenje ovog

Ministarstva, jer dodatno povećanje predstavlja opterećenje za korisnika državnih šuma u cilju efikasnijeg gospodarenja državnim šumama i šumskim zemljištem. U vezi sa nevedenim, smatramo da prijedlog Općinskog načelnika Općine Vareš nije opravdan.

U vezi sa prijedlogom Kluba vijećnika DF u Općinskom vijeću općine Vareš iz tačke 1. koja glasi: *„Pokrenuti inicijativu za izdvajanje, koje obezbjeđuju Općinama u Zeničko-dobojskom kantonu, RJ Šumartsva iz Kantona, povećavaju sa sadašnjih 2% na 6%. Ovim bi se omogućilo normalniji rad i funkcionisanje općinskih organa i općine kao cjeline. Sadašnje izdvajanje su ispod svih minimuma i standarda, posebno imajući na umu štete koje aktivno šumartsvo čine vodotocima (poplave), putevima (devastacija) i okolišu“.*

U vezi navedenog prijedloga ističemo slijedeće:

Po odredbi člana 51. Zakonu o šumama („Službene novine Zeničko-dobojskog kantona“, broj: 8/13 i 1/15), izdvajanja od naknade za korištenje državnih šuma i šumskog zemljišta, korisnik državnih šuma općinama uplaćuje iznos od 5%, a ne 2%, kako se navodi u citiranom prijedlogu. Što se tiče navoda da su sadašnja izdvajanja ispod svih minimuma, ponavljamo da su u ostalim Kantonima indentični ili manji procenti izdvajanja od korisnika državne šume koji se uplaćuju općinama. Smatramo da je potrebno istaći da je na prijedlog općine Vareš u proteklom periodu brisana odredba člana 54. Zakon o šumama („Službene novine Zeničko-dobojskog kantona“, broj: 8/13), kojom je bila propisana svrha utroška namjenskih sredstava iz člana 51. važećeg Zakona o šumama, koja su općine mogle koristiti isključivo za izgradnju, rekonstrukciju i održavanje infrastrukture na području općine..., nakon usvajanja plana utroška sredstva koji donosi općinsko vijeće. S tim u vezi, ovo Ministarstvo je mišljenja da prijedlog nije opravdan.

U vezi sa prijedlogom Kluba vijećnika DF u Općinskom vijeću općine Vareš iz tačke 2. koja glasi: *„U postojećim zakonskim propisima povećati kontrolu rada u šumama i evidentirati štete koje čine (poplave i nanosi materijala iz šume), putevima (izvoz trupaca na lokalne i regionalne ceste, ostećenje asfalta, zatrpavanje odvodnih kanala i rigola). Naložiti organizacijama šumarstava da se štete koje se evidentiraju putem nadležnih inspektora i komisije, moraju namiriti onome ko trpi štetu (privatna lica, mjesne zajednice i općine)“.*

Ističemo da je u stavu (6) člana 10. (Sječa šuma) Zakona o šumama propisano: „da pravna i fizička lica koja nanesu štetu u državnim i privatnim šumama i na šumskom zemljištu po bilo kom osnovu dužni su nosiocu prava upravljanja državnim šumama i šumskim zemljištem odnosno vlasniku privatne šume nadokanaditi štetu prema odštetnom cjenoviku koji će propisati ministar“, a da je odredbama člana 48. (Poslovi Kantonalne uprave za šumarstvo), između ostalih nadležnosti, utvrđena i nadležnost Kantonalne uprave za šumarstvo da obezbjeđuje neposrednu zaštitu državnih šuma i šumskog zemljišta putem čuvarske službe. Pored navedenih nadležnosti Kantonalne uprave za šumartsvo, odredbom člana 57. utvrđeno je i ovlaštenje šumarskog inspektora da kontroliše realizaciju svih radova u šumarstvu. Dužnosti poduzimanja mjera zaštite šuma je i na korisniku državnih šuma“.

S tim u vezi, Ministarstvo ne smatra opravdanim dodatno regulisanje odredbi Zakona o šumama.

U vezi sa prijedlogom Kluba vijećnika DF u Općinskom vijeću općine Vareš iz tačke 3. koja glasi: *„Putem zakonskih propisa i mjera naložiti organizacijama šumarstva da su dužne održavati puteve kojima izvoze trupce“.*

U vezi ovog prijedloga, ističemo da je članom 54. stav (1) Zakona o šumama („Službene novine Zeničko-dobojskog kantona“, broj: 8/13), bila propisana odredba „da se namjenska sredstva općine mogu koristiti za izgradnju, rekonstrukciju i održavanje infrastrukture na području općine..., koja se mogu koristiti nakon usvajanja plana utroška sredstava koji donosi Općinsko vijeće“

Smatramo da nije opravdano da korisnik državnih šuma-Javno preduzeće „Šumsko-privredno društvo Zeničko-dobojskog kantona“ d.o.o. Zavidovići, pored već izdvojenih sredstava općinama iz člana 51. Zakona o šumama po dva različita osnova izdvaja sredstva za održavanje puteva kojima izvoze trupce.

U vezi sa prijedlogom Kluba vijećnika DF u Općinskom vijeću općine Vareš iz tačke 4. koja glasi: „*Putem Skupštine ZE-DO kantona naložiti radnim organizacijama šumartsva da su obavezne u ljetnom i jesenskom periodu građanima Kantona obezbijediti dovoljne količine ogrijevnog drveta*“.

S tim u vezi ističemo, da korisnik državnih šuma- Javno preduzeće „Šumsko-privredno društvo Zeničko-dobojskog kantona“ d.o.o. Zavidovići, u skladu sa dugoročnim planom gospodarenja-Šumskogospodarskom osnovom i godišnjim planom gospodarenja planira sječu drvne mase, tj. drvnih sortimenta, između ostalog i ogrijevnog drveta i nije u mogućnosti da vrši sječu više od planiranog i odobrenog etata. Smatramo da bi korisnik državnih šuma stanovništvu mogao obezbijediti dovoljne količine ogrijevnog drveta pored redovnih sječa i iz sanitarnih sječa koju bi lagerovao na centralna skladišta i sa kojih bi se vršila maloprodaja, a sve u cilju smanjenja obima bespravnih sječa u državnim šumama, kao u privatnim.

Obrađivač akta:

Amira Jusufbašić

MINISTAR

Himzo Smajić